

## 101. Stjórnarfundur Byggðasafns Vestfjarða 07. Nóvember, kl. 08:30 á skrifstofu Byggðasafns Vestfjarða. 2018

Viðstaddir eru: Guðmundur Gunnarsson, bærarstjóri Ísafjarðarbæjar, Pétur Markan, sveitastjóri Súðarvíkurshrepps, Jón Páll Hreinsson, bærarstjóri Bolungarvíkurkaupstaðar. Einnig er viðstödd Helga Þórsdóttir, starfandi forstöðumaður Byggðasafns Vestfjarða.

### 1. Drög að fjárhagsáætlun 2019 lögð fram.

Starfandi forstöðumaður útskýrir fyrir stjórn forsendur fjárhagsáætlunar 2019. Nú hafa allir forstöðumenn aðgang að Sveitastjóranum, þannig byggist áætlunin á bestu mögulegu upplýsingum um rauntölur á hverjum tíma fyrir sig.

Gert er ráð fyrir að rekstrarframlag sveitarfélaga hækki um 2,9% á milli ára.

Starfsemin verður áætluð áfram með hefðbundnu sniði, óbreyttur opnunartími verður í Neðstakaupstað en ljóst er að þörf er á róttækum breytingum, rekstrarforms Vélsmiðjunnar á Þingeyri.

Gestir safnsins árið 2017 voru 16.000 og árið 2018 voru þeir 14.000, sem er mikil vonbrigði fyrir safnið. Mestu skiptir þar um að 3 skip sem áttu pantað fyrir um rétt tæplega 1000 gesti hættu við stopp á Ísafirði. Einnig komu færri gestir til Þingeyrar en árið áður, þó vil ég nefna það að ég tel gestafjöldann á Þingeyri ávalt hafa verið stórlega ofmetinn. Við gerðum ráð fyrir um 1000-2000 gestum þar, en nær er að áætla 500 gesti 2017 og um 300 gestir 2018.

Gert er ráð fyrir að árinu 2019 verði gestir um 15.000 – 16.000, Vesturferðir hafa tjáð safninu að aukning verði á næsta ári þar sem vel hafi gengið að bóka í ferðir fyrir árið 2019. Flestir eru gestir Vesturferða sem koma í skipulögðum ferðum skemmtiferðaskipa. Áætluð stöðugildi á safninu á árinu 2019 eru þrjú, en voru áætluð 3,5 árið 2018 en voru 4,41 fyrir árið 2017.

Safnið hefur tekið upp alla báta fyrir veturinn 2018-2019, er þetta gert m.a. í sparnaðarskyni þar sem við borgum núna enginn leigugjöld yfir vetratímamann vegna þeirra.

#### Bókun í þessum lið:

Pétur Markan, sveitastjóri Súðarvíkurshrepps og Jón Páll Hreinsson, bærarstjóri Bolungarvíkurkaupstaðar spyrja hvort fjárhagsáætlun 2018 standist þar sem gestkomur voru færri en áætlað var sumarið 2018?

Guðmundur Gunnarsson, bærarstjóri Ísafjarðarbæjar, segir að fjárhagsáætlun 2018 muni standast í stórum dráttum þrátt fyrir fækkun gesta 2018. Útlit er fyrir að safnið verði rekið með afgangi á þessu ári eins og áætlun gerði ráð fyrir.

### 2. Starfsár Byggðasafns Vestfjarða 2019.

Starfandi forstöðumaður er þeirrar skoðunar að best sé í ljósi rekstrarstöðunnar að hætta með sumarstarfsmann á Þingeyri. Lagt er til að ráðin verði húsvörður í 20% stöðugildi og gengið verði til samninga við Blábankann, Samband Íslenskra Myndlistamanna, Höggmyndafélagið og ArtsIceland um að listamönnum verði boðið að vinna í Vélsmiðjunni, gegn því að skuldbinda sig til að vera á staðnum t.d. milli 13-17. Þannig væri ekki tekin aðgangseyrir að gestum sem koma á eigin vegum, hins vegar kæmi starfsmaður til að taka á móti þeim hópum sem koma og njóta leiðsagnar í smiðjunni, þeir hópar borga sig inn. Húsvörðurinn væri til að sjá um að allt gangi vel fyrir sig og að taka á móti því fólki sem kemur til að vinna í Vélsmiðjunni.

Safnasjóður ætlar að leggja áhersla á samvinnu árið 2019, þannig gæti Þingeyrar verkefnið fallið mjög vel að áherslum sjóðsins að þessu sinni. Samvinna við þá aðila sem hér eru nefndir er alþjóðleg og sem dæmi um það er SÍM (Samband Íslenskra Myndlistamanna) í samvinnu við öll sambærileg aðildarfélög sem þekkt eru í dag og eru lögleg.

Áfram verður áætlað að sækja um alla styrki sem í boði eru, en áætlunin gerir ráð fyrir 2.500.000 fjárhæð styrkja sem við teljum nokkuð varfært áætlað. Vel hefur gengið að fá styrki undanfarin 2 ár. Viðhaldsþörf á bátasafni er töluverð, en áætlað er að setja að lágmarki 1.000.000 – 1.500.000 í viðhald til að halda borð fyrir báru. Einnig ætlar safnið að sækja um styrki til að lengja flotbyggjuna á bak við safnið, í þeim tilgangi að geta tekið námshópa á öllum stigum og frætt þau um snertanlega báta/skipa arfleið svæðisins. Þannig væru Jóhanna og Gestur við flotbyggjuna yfir sumartímann. Enn og aftur er þetta í samhengi við áherslur safnasjóðs sem leggur til samvinnu og barnastarf fyrir árið 2019.

Byggðasafn Vestfjarða er í átaki hvað grisjun safneignarinnar varðar, samtímis fer fram endurskipulagning á geymslum safnsins. Allt næsta ár verður gert átak í skráningu safnmuna, takmarkið er að skrá 50 nýskráningar í viku hverri út næsta ár. Til þess að það takist, hefur Byggðasafn Vestfjarða sótt um styrk til Safnasjóðs til að geta ráðið aðstoðarmanneskju í skráningarátakið.

Í þessari umræðu kom fram að sveitastjóri Súðarvíkurshrepps og bæjarstjóri Bolungarvíkurkaupstaðar, telja skráningu einmitt vera forsendu, fyrir veru beggja byggðalaga innan vébanda Byggðasafns Vestfjarða.

**3. Starfandi forstöðumaður leggur til hækkun aðgangseyris á starfsárinu 2019 úr 1200 krónum í 1300 krónur fyrir einstaklinga og hópaverð fari úr 950 krónum í 1050 krónur.**

Tillagan var samþykkt og eru nú nýju verðinn auglýst á heimasíðu safnsins.

**4. Starfandi forstöðumaður upplýsir stjórn um nokkur skilyrði sem viðurkennd söfn verða uppfylla m.a. starfsgildi á ársgrundvelli.**

Ekki reyndist þörf á að ræða neitt í þessum lið, þar sem stjórnarmenn voru þegar upplýstir um safnalöginn.

**5. Önnur mál.**

Guðmundur Gunnarsson, bærarstjóri Ísafjarðarbæjar kynnti samning Ísafjarðabæjar og Byggðasafnsins vegna þjónustugjalda.

**6. Auglýsing forstöðumanns Byggðasafns Vestfjarða.**

Helga Þórsdóttir, viku af fundi.

Bókað var eftirfarandi:

Ákveðið hefur verið að fresta því að taka frekari afstöðu til þessa liðs fram á næsta stjórnarfund.

Fundalok eru klukkan 10:20

*Helga Þórsdóttir, skrifaði og sendir fundagerð út til umsagnar.*